



Inatsisartunut ilaasortaq  
Sofia Geisler, Inuit Ataqatigiit  
/Her

**§ 37-imut akissut ullunik 120-inik malittarisassaqrneq pillugu  
apeqqummut 2018/310**

Brevdato: 28-12-2018  
Sags nr. 2018 - 26801

Inatsisartut suleriaasiaasianni § 37, imm, 1 naapertorlugu ullunik 120-nik  
malittarisassaqrneq pillugu Naalakkersuisunut apeqqummik  
saqqummiussaqrputit.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

- 1. Namminersorlutik Oqartussat ataanni ukioq 2017 qaammatit  
aqqaneq marluk iluanni inuit qanoq amerlatigisut ullut 120-t  
sinnerlugit napparsimasimanertik pissutigalugu suliffimminnit  
soraarsitaappat?**

Nalunaarsuiffiup F2-p misissornerani Aningaasaqarnermut Sulisoqarnermullu  
Aqutsisoqarfimmi takuneqarsinnaanngilaq 2017-imi napparsimaneq  
pissutigalugu ullunik 120-inik malittarisassaqrnerup kingunerisaanik  
Namminersorlutik Oqartussani soraarsitsisoqarsimaneq.

- 2. Namminersorlutik Oqartussat pigisaanni ingerlatseqatigiiffinni ukioq  
2017 qaammatit aqqaneq marluk iluanni inuit qanoq amerlatigisut  
ullut 120-t sinnerlugit napparsimasimanertik pissutigalugu  
suliffimminnit soraarsitaappat?**

Aningaasaqarnermut Sulisoqarnermullu aqutsisoqarfik paasissutissat pinnagit  
toqqortaqrpoq aamma paasissutissanik aallertarneq § 37 tungavigalugu  
apeqqutit akinissaannut sinaakkusiussat avataanni inissisimasutut isigineqarpoq.

- 3. Kommunini ukioq 2017 qaammatit aqqaneq marluk iluanni inuit  
qanoq amerlatigisut ullut 120-t sinnerlugit napparsimasimanertik  
pissutigalugu suliffimminnit soraarsitaappat?**

Aningaasaqarnermut Sulisoqarnermullu aqutsisoqarfik paasissutissat pinnagit  
toqqortaqrpoq aamma paasissutissanik aallertarneq § 37 tungavigalugu  
apeqqutit akinissaannut sinaakkusiussat avataanni inissisimasutut isigineqarpoq.

- 4. Qaammatit aqqaneq marluk iluanni ullut 120-inik  
napparsimasinnaanermut killissarititap sivitsornissaa  
Naalakkersuisut pilersaaruteqarfigaat?**

Suliffeqarfinni tamani aqutsisut aalajangigassaraat tamanna nalilissanerlugu, inuk ullut 120 sinnerlugit napparsimasimanerata kingunerisaanik soraarsitaassanersoq pillugu. Aningaasaqarnermut Sulisoqarnermullu aqutsisoqarfiup misilittagaqarfigaa ullunik 120-nik malittarisassaqaarneq annikitsuinnarmik atorneqartartoq aamma nalilerneqarpoq ullunik 120-inik malittarisassaqaartitsineq sivitsorneqarsinnaassappat tamanna annikitsuinnarmik sunniuteqassasoq.

**5. Qaammatit aqqaneq marluk iluanni ulluni 120-inik napparsimasinnaanermut killissarititap atorunnaarsinnissaa Naalakkersuisut pilersaarutigaa?**

Aqutsisut akisussaaffigaat nalilissallugu suliffeqarfiup ingerlanneqarnerata nammassinnaaneraa sulisoqassalluni nappaammik ullut 120 sinnerlugit eqqugaasimasunik sulisoqarnissani. Tamatuma saniatigut aqutsisut aamma akisussaaffigaat nalilissallugu inuit qaammatit aqqaneq marluk iluanni ullut 129-it sinnerlugit napparsimasimasut soraarsinniinnarnissaat aningaasaqarnikkut isumannaatsuunersoq suliffeqarfiup nammassinneraa. Qaammatit 12 iluanni ullut 120 sinnerlugit napparsimasimaneq pissutigalugu soraarsitsisarneq atorunnaarsinneqassappat, tamanna Namminersorlutik Oqartussanut aningaasatigut kinguneqassaaq aamma aningaasartuuteqarneruneq imaluunniit sullissinerup ajornerulernissaanik kinguneqartussaalluni.

Inussiarnersumik inuulluaqqusillunga

Vittus Qujaukitsoq